

PIYERI **ka letere folo min sebe** **Kitabu faamucogo**

Yesu ta ciraden Piyeri le ye nin letere sebebaga ye. Nin letere yoro dow faamu ko ka gbelen. Dow b'a miiri ko Silasi le k'a sebe gerekikan na Piyeri ye (5.12).

Yahudiya lanabaga minw tun be Azi mara ra, Piyeri be kuma olugu le fe; a be o karan ka o ja gbeleya, ko o ye jija ka to Yesu Kirisita ta Kibaro Diman* sira kan. Hali ni tooro ka caya cogo o cogo, o ka kan ka Yesu yere le fe. Lanabagaw bena nooroba min soro Ala ta Masaya* ra, o ni dunya ta tooro te se ka suma. O koson lanabaga ka kan ka jagari hali tooro wagati ra, k'a jigi la Ala kan, ka Ala kan mina. Ni o kera, a bena baraji soro Matigi Yesu Kirisita nalon na.

Kitabu konokow

Kitabu daminakumaw (1.1-2)

Jigi ni lanaya ni kanuya (1.3-12)

Lanabaga ka kan ka saninya (1.13-2.10)

Lanabaga ka kan ka tooro mupu (2.11-4.19)

Ala batocogonuman (5.1-11)

Kuma laban ni forikan (5.12-14)

Piyeri ta fori

¹ Ne Piyeri, ne min ye Yesu Kirisita ta ciraden* ye, ne be nin sebe ci Ala ta mogo janawolomaninw ma, minw janjanna ka taga ke

lonanw ye Pɔn mara ra, ani Galasi, ani Kapadɔsi, ani Azi, ani Bitini jamanaw ra.

² Fa Ala konna ka aw janawoloma i n'a fo a tun k'a latige kakoro cogo min na; a ka aw saninya Nin Saninman* baraka ra, janko aw ye Ala kan mina, ani Yesu Kirisita jori ye aw saninya.

Ala ke ye neema ni hera ke aw ye caman.

Jigiya janaman dira lanabagaw ma

³ An ye Fa Ala tando, an Matigi Yesu Kirisita bora min na; a ta hinaba koson a ka Yesu Kirisita lakunu ka bo saya ra, ka janamanyakura di an ma o sababu ra, janko an ye jigiya janaman soro.

⁴ Ala ka fen minw layiri ta an ye, o fenw te cen, o te nogo, foyi te bo o dawula ra; Ala ka o le mara an ye sankolo ra. ⁵ A be aw mara ni a ta sebgaya ye, aw ta lanaya koson, janko ka aw kisi; o kisiri bena yira dunupa labanwagati le ra.

⁶ O le be aw nagarira hali ni gbeleya caman ka kan ka aw jusu kasi wagati donin tuma dow.

⁷ O kun ye janko ka aw ta lanaya le segegege. Aw ta lanaya ka fisa ni sanin ye, sabu sanin ye fen banta le ye, nka a ka kan ka don tasuma ra k'a saninya. Ni aw ta lanaya fana segegegera, aw bena tandori ni bonya ni noro soro Yesu Kirisita nawagati ra. ⁸ Aw be ale kanu k'a soro aw m'a ye, aw lanin b'a ra k'a soro aw ja te a ra. O koson aw be nagari, nagari min te se ka lakari, min noro ka bon, ⁹ sabu aw bena aw ta lanaya ton soro; o ye aw nin kisiri ye.

¹⁰ Ala tun ka neema min laben aw ye, ciraw tun ka ciraya ke o neema ta ko ra; o tun ka o kisiri ko fle, ka a segegege kosebe. ¹¹ Kirisita* ta Nin*

min tun bɛ o kɔnɔ, o Nin tun konna ka Kirisita ta tɔɔrɔw yira o ra, ani a bɛna nɔɔrɔ min sɔrɔ o kɔ fɛ; o koson ciraw tun jijara ka o kow kɛwagatiw, ani o kɛcogo sɛgesɛgɛ k'a lɔn. ¹² Ala k'a yira ciraw ra ko fɛn minw yirara o ra, ko olugu yɛrɛ ta tɛ o ye, ko aw ta lo. O kumaw le lasera aw ma sisan. Ala ka Nin Saninman* ci ka bɔ sankolo ra, ka na minw kan, olugu le ka o Kibaro Diman* lase aw ma. Hali mɛlɛkɛw yɛrɛ tun b'a fɛ ka o kow lɔn.

Lanabaga ta tagamacogokura

(Tesalonikikaw fɔlo 5.8-9; Tite 2.11-14)

¹³ O koson aw ye aw yɛrɛ cɛsiri, ka aw yɛrɛ minacogo lɔn; Ala bɛna nɛɛma min di aw ma Yesu Kirisita nalon na, aw ye aw jigiya bɛɛ la o le kan. ¹⁴ Aw ye kɛ Alakanminabagaw ye; negejugu minw tun bɛ aw ra fɔlɔfɔlɔ, k'a sɔrɔ aw tun ma Yesu ta Kibaro Diman* ko lɔn fɔlɔ, aw kana aw yɛrɛ bla o kɔ tuun. ¹⁵ Ala min ka aw wele, i n'a fɔ ale saninyanin lo, o ra, aw fana ye saninya aw ta kokɛtaw bɛɛ ra. ¹⁶ Sabu a sɛbera Kitabu kɔnɔ ko Ala ko: «Aw ka kan ka saninya, sabu ne saninyanin lo.»

¹⁷ Ala le bɛna kiti tige adamaden bɛɛ kelen kelen kan ka kapa ni a yɛrɛ ta kɛwalew ye; a fana tɛna mɔgɔ bɔ mɔgɔ ra. Ni aw bɛ ale le wele ko aw Fa, o tuma aw fana ye aw ta dunɔpalatige kɛ ni Alapasiran ye. ¹⁸ Aw k'a lɔn ko aw ka aw bɛmaw cɛn ta, ka to ka ko ɲacintan minw kɛ, Ala ma aw kunmabɔ o kow ra ni fɛn banta dɔ le ye, i n'a fɔ wari walama sanin; ¹⁹ a ka aw kunmabɔ

ni Kirisita* jori nafaman le ye; ale kera i n'a fo sagaden, fiyen te min na, ani no te min na. ²⁰ Ala tun konna ka Kirisita ta ko latige k'a bla, sani dununa ye dan; nin wagati laban le ra sisan, a nana aw koson. ²¹ Ale le baraka ra aw lara Ala ra, Ala min k'a lakunu ka bo saya ra, ka bonya la a kan, janko aw ta lanaya ni aw ta jigiya ye to Ala kan.

²² Aw sonna can ma ka aw jusukun saninya, janko ka aw balemaw kanu ni jusukun gbenin ye; o koson aw ye jogon kanu kosebe ni aw jusukun bee ye. ²³ Sabu Ala ka panamanyakura min di aw ma, aw ma o soro fen torita do le sababu ra, nka aw k'a soro fentoribari le sababu ra; o ye Ala ta Kuma panaman ye, min te yelema.

²⁴ Sabu a sebera ko:

«Adamadenw bee be i ko bin,
o dawula be i ko binfiyeren.

Bin be ja, a fiyeren fana be bon;

²⁵ nka Matigi ta kuma koni be a no ra tuma bee
ani wagati bee.»

O kuma le fora aw ye Kibaro Diman waajuri ra.

2

*Lanabagaw ye Ala ta mago saninmanw ye
(Efesikaw 2.20-22; Matiyu 21.42-44; Romukaw
9.24-33)*

¹ Ayiwa, o le koson aw ye juguya ni nanbara ni flankafuya ni nangboya ni jogonkorofa bee dabra.

² Nono nege be denpenin soro cogo min na, aw y'a to Ala ta Kuma min be i ko nono saninyanin,

o nege ye aw soro ten, janko o sababu ra aw ye baraka soro lanaya ra ka kisi. ³ Sabu aw ka Matigi ta numanya nene, k'a ye ko a ka di.

⁴ Aw ye gbara Matigi ra, ale min ye bon jusiginan kabakuru panaman ye; mogow banna a ra, nka Ala k'a panawoloma, ka nafaba la a kan. ⁵ Ayiwa, aw fana kera kabakuru panaman dow ye; aw ye fara nogon kan, ka ke Ala ta bon saninman ye, ka ke Ala ta sarakalasebaga* saninmanw ye, janko ka aw jusukun ta sarakaw lase Ala ma Yesu Kirisita baraka ra, saraka minw ka di Ala ye. ⁶ Sabu a sebera Kitabu konso, ko:

«A fe, ne bena kabakuru do sigi Siyon,
ka o ke bon kabakuru folo ye,
kabakuru panawolomanin, ani kabakuru
nafaman;
ni mogow min ka a jigi la a kan,
Ala tena o tigi janfa fiyewu.»

⁷ Aw minw lara a ra, a kera fen nafaman ye aw fe; nka lanabariw ta fan fe, a sebera ko:
«Bonlobagaw banna kabakuru min na,
o le kera kabakurusobe ye, ka ke bon kabakuru
folo ye.»

⁸ A fora tuun ko:
«O le kera o sentalon kabakuru ye,
ani ka ke o ben farakuru ye.»
O be talon a ra, sabu o ma son Ala ta kuma ma.
Ala tun ka o le latige o ye fana.

⁹ Nka aw koni, aw ye siya wolomanin le ye, aw ye Masa Ala ta sarakalasebagaw le ye, ani siya

2:6 2.6 Nin kuma fora Ezayi 28.16. **2:7** 2.7 Nin kuma fora Zaburu 118.22. **2:8** 2.8 Nin kuma fora Zaburu 118.22; Ezayi 8.14.

saninman, ani Ala ta mɔgɔ kunmabɔninw; Ala ka aw wele ka bɔ dibi ra ka aw ladon a ta yeelensoɓe ra, janko aw ye a ta koɓuman kabakomanw lase mɔgɔw ma. ¹⁰ Fɔlofɔlo aw tun tɛ Ala ta mɔgɔw ye, nka sisan aw kɛra Ala ta mɔgɔw ye. Fɔlofɔlo aw minw tun ma Ala ta makari sɔrɔ, sisan aw ka a sɔrɔ.

*Lanabaga ka kan ka mɔgɔ bɛɛ bonya
(Rɔmukaw 13.1-8; Efesikaw 6.5-8)*

¹¹ Ne balema kanuninw, aw bɛ dunuɓa kɔnɔ i n'a fɔ lonan temɛbagaw; o kosɔn ne bɛ aw daari ko aw ye aw farisogo negerakow ye ka o to yi, sabu o negerako bɛ aw nin kɛrɛ. ¹² Aw ye aw tagamacogo lon siya wɛrɛ mɔgɔw cɛ ra. O cogo ra, hali ni o bɛ aw tɔgɔjugu fɔ k'a kɛ i n'a fɔ aw ka kojugu kɛ, o belɛn ye aw ta kɛwaleɓumanw ye; ni o kɛra, ni Ala nana nɛɛma o ye lon min na, o bɛna a tando.

¹³ Matigi kosɔn, aw ye aw yɛrɛ majigi adamadenw ta kuntigiyaw bɛɛ kɔrɔ, ka aw yɛrɛ majigi masaceba ye kosebɛ, ale min bɛ bɛɛ kunna, ¹⁴ ani jamanatigiw, masaceba ka minw ci janko ka kojugukɛbagaw koro, ani ka koɓumankeɛbagaw tando. ¹⁵ Sabu Ala sago ye ko aw ye koɓuman kɛ janko ka mɔgokolon hakirintanw da datugu.

¹⁶ Ala ka aw kɛ aw yɛrɛ ta ye, nka aw kana o kɛ sababu ye ka kojugu kɛ; aw ye janamanya i ko Ala ta jɔnw. ¹⁷ Aw ye mɔgɔ bɛɛ bonya; aw ye aw balemaw kanu, aw ye siran Ala ja, aw ye masaceba bonya.

Lanabagaw ka kan ka tɔrɔ sɔnmina

18 Aw baaradenw, aw ye aw yeƐ majigi aw kuntigiw ye, ka o bonya cogoya beƐ ra; kuntigi minw ka ni, ani minw jusu sumanin lo, olugu dɔrɔn tɛ, nka hali minw ka fari. 19 Sabu ni aw man kan ni tɔrɔ min ye, ni aw be o sɔnminana Ala yeƐ nasiran kosɔn, o ye kojuman le ye. 20 Ni o tɛ, ni aw be bugɔri sɔnmɪna aw yeƐ ta kojuguw le kosɔn, aw be bonya juman le sɔrɔ o ra? Nka ni aw be tɔrɔ sɔnmɪna aw ta kojuman le kosɔn, o ye kojumanba le ye Ala fe.

21 Ala ka aw wele o le kama fana, sabu Kirisita* fana tɔrɔra aw kosɔn, ka o sira yira aw ra, janko aw fana ye tugu ale sennɔ kɔ. 22 Ale ma jurumun si ke, faninya si ma bɔ a da ra ka ye. 23 O k'a neni, nka a ma a ta nɔgɔn sara; o k'a tɔrɔ, nka a ma wuri mɔgɔ kama; a ka a ta ko beƐ to Ala le boro, ale Ala min be kiti tige ni terenninya ye. 24 A ka an ta jurumunw doni ta ka o la a yeƐ kan, k'a farikolo tɔrɔ gbengben yiri kan. A ka o ke, janko an ye sa ka bɔ jurumun fanga kɔrɔ, ka janamanya terenninya ra. Jori minw tigera a farikolo ra, o le sababu ra aw keneyara. 25 Sabu aw tun be i ko saga tununinw; nka sisan aw sekɔra ka na sagagbenbaga fe, min ye aw nin kɔrɔsibaga ye.

3

*Furuce ni furumuso ka kan ka nɔgɔn bonya
(Timote folo 2.9-15; Efesikaw 5.22-33)*

2:22 2.22 Nin kuma fora Ezayi 53.9. **2:24** 2.24 Nin kuma fora Ezayi 53.5.

¹ Ayiwa, musow, o cogo kelen na, aw bæ kelen kelen ye aw yere majigi aw cew ye, janko ni a kera ko ce dow ma son Ala ta Kuma ma folo, o ta musow tagamacogo ye ke sababu ye k'a to o ye son; a kana ke ni kuma yere ye, ² sabu o bena aw tagamacogo ye, k'a ye ko aw jusukun gbenin lo, ani ko Alapasiran be aw ra.

³ Aw ta kana ke yeremasiri dama ye, ani kundancogo dama temeninw, ani ka sanin don aw yere ra, ka fani songobelenw siri. ⁴ Aw ye aw jusukun le masiri ni masirifen dogonin ye; o masirifen ye numanya ni jususuma le ye; o le ye fen banbari ye, min nafa ka bon Ala fe. ⁵ Folofolo, muso saninman minw tun be o jigi la Ala kan, olugu tun be o yere masiri o cogo le ra, ka o yere majigi o cew ye, ⁶ i ko Saran min tun be a ce Iburahima bonya fo a b'a wele ko a matigice. Ayiwa, aw kera Saran denmusow le ye, ni aw koni be konuman ke, ni aw m'a to foyi si ye aw lasiran ka aw bo o sira kan.

⁷ Ayiwa, aw cew, aw fana ye aw musow mina ka na ni hakiri ye, ka a lon ko muso ni ce baraka te kelen ye. Aw ye o bonya, sabu Ala ka nanamanya banbari min di an ma a ta neema baraka ra, aw bæ le ka o soro kelen ye. Aw ye o ke, janko foyi kana aw ta Aladaari bari a ye mina.

*Lanabaga be se ka tɔɔɔ terenninya kosɔn
(Romukaw 12.14-21; Matiyu 10.24-31)*

⁸ Ayiwa, o bæ ko, aw bæ ye ben kelen ma, ka aw ta miiriya ke kelen ye, ka ke jogon fe, ka jogon kanu balemaya ra, ka hina jogon na, ka

aw yere majigi nɔɔɔn ye. ⁹ Aw kana kojugu sara ni kojugu dɔ wɛɛ ye, walama ka nenini sara ni nenini dɔ wɛɛ ye; aw kana o ke, nka aw ye dugawu le ke, sabu Ala ka aw wele o le kosɔn, janko aw ye baraka sɔɔ ale fe. ¹⁰ Sabu a sebera Kitabu kɔnɔ ko:

«Ni mɔɔɔ min b'a fe a ta dunuɔnalatige ye na, ka dunuɔna diya a ra,

o tigi ye a nenkun kɔɔsi kumajuguw ma, ka a da kɔɔsi nanbarakumaw ma.

¹¹ A ye faran juguya ra pewu, ka kojuman ke, ka jija ka hera jini, ka tugu a nɔ fe.

¹² Sabu Matigi na lonin be mɔɔɔ terenninw na, a toro be o ta daarikan na fana; nka Matigi be kojugukebagaw kɛɛ.»

¹³ Ayiwa, ni aw jijara kojuman na, jɔn le bɛna aw tɔɔɔ o kosɔn? ¹⁴ Nka hali ni o be aw tɔɔɔ terenninya kosɔn, aw ta jana. Aw kana siran mɔɔɔw na, aw hakiri fana kana pagami. ¹⁵ Aw ye Kirisita* bonya aw jusu ra dɔɔn, k'a lon ko aw Matigi lo. Jigiya min be aw fe, ni mɔɔɔ o mɔɔɔ ka aw jininka o ra, aw labennin ye sɔɔ tuma bɛɛ ka o tigi jaabi; nka aw ye a ke ni jususuma ni bonya ye. ¹⁶ Aw jusukun gbenin ye to, janko hali ni o be aw tɔɔɔjugu fɔ k'a ke i n'a fɔ aw ka kojugu le ke, minw be aw tɔɔɔ cenna aw ta tagamacogonuman kosɔn Kirisita ta jɛnɔɔɔnya ra, olugu yere darakuma ye o maroya. ¹⁷ Sabu ka tɔɔɔ kojuman kosɔn, ni o le ye Ala sago ye, o ka fisa sani an ye tɔɔɔ kojugu kosɔn.

¹⁸ Ayiwa, Kirisita fana sara jurumun kosɔn sijnaga kelen, ka dan o ma. Ale mɔɔɔ terennin

sara mɔgɔ terenbariw kosɔn, janko ka aw ladon Ala ta jenɲogɔnya ra. A yere sara, nka a kununa Nin Saninman* baraka ra. ¹⁹ Minw tun be Ala ta kiti makɔnɔna, o Nin le sababu ra, a tagara olugu waaju. ²⁰ Olugu le tun banna Ala ta Kuma ma fɔɔfɔɔ, k'a sɔɔ Ala tun muɲuna o kɔɔ ka meen, Nuho ta kurunba lalagawagati ra; mɔgɔ dama dama, o kɔɔ ye mɔgɔ seegi dɔɔn le donna o kurunba kɔɔ ka kisi ka bɔ ji ra.

²¹ Ayiwa, o ji tun ye batizeri* tagamasiyen le ye; an b'a yira sisan batizeri le fe ko an kisira. O kɔɔ te ko an farikolo le be ko ka nɔgɔ bɔ a ra; o kɔɔ ye ko an be Ala daari ko a ye an jusukun saninya Yesu Kirisita kunuko sababu ra.

²² A yelera ka taga sankolo ra, ka taga sigi Ala kininboroyanfan fe; melekew, ani kuntigiyaw, ani sebayayaw, o bee majigira Kirisita ta fanga le kɔɔ.

4

Lanabagaw ta janamanyakura

¹ I n'a fɔ Kirisita* farikolo tɔɔɔra, aw fana ye baraka don aw yere ra ni o miiriya kelen le ye; sabu mɔgɔ min farikolo tɔɔɔra, o b'a yira ko o tigi faranna jurumun na. ² O tigi te a ta dunupalatige to ke ka kapa ni a yere ta negerakow ye tuun, nka a b'a ke ka kapa ni Ala sago le ye. ³ Aw ka wogatijan ke Alalɔnbariya ra ka ban fɔɔfɔɔ; fen minw ka di Alalɔnbariw ye, aw tun be o le ke: jatɔya, ani jogojuguya, ani dɔɔtɔya, ani domuniba dama temeninw, ani minnin dama temeninw, ani batofen haramuninw batori. ⁴ Nka sisan o

mogow be kabakoya k'a ye ko aw te o kojugu dama temeninw kera ni olugu ye tuun; o koson o be aw togo cen. ⁵ Nka lon do, Ala bena taga o jininka o ta kewalew bee ra; ale Ala min labenna ka ban ka mogow janamanw ni suw bee ta kiti tige. ⁶ O koson, minw sara, Kibaro Diman* tun fora olugu fana ye, janko hali ni saya kiti sera o ma i n'a fo a be se adamaden bee ma cogo min na, o ye Ala ta janamanya soro Nin Saninman* baraka ra.

Ala ka se bagaya minw karifa lanabagaw ma

⁷ Fen bee laban surunyara; aw ye aw tagamacogo lon, ka aw yere minacogo lon, janko ka to Ala daarira. ⁸ Nka min be fen bee na, o ye ko aw ye jogon kanu kosebe; sabu kanuya be jurumun camanba le datugu*. ⁹ Aw ye son ka jogon lajigi aw ta sow kono; o kana ke ni jogonkorofa ye.

¹⁰ Aw bee kelen kelen ka ninyoro min soro Ala fe ka kapa ni Ala yere ta dicogo ye, aw ye ke o se bagayaw minabaganumanw ye ka mogow tow deme ni o ye. ¹¹ Ni min ka ke waajurikebaga ye, o tigi ye waajuri ke ka kapa ni Ala ta fota ye. Ni min ka ke tow demebaga ye, Ala ka baraka min di a ma, a ye a ke ka kapa ni o ye, janko ko bee ra bonya ye la Ala kan Yesu Kirisita togo baraka ra. Noro ni se bagaya ye ale le ta ye tuma bee, ani wagati bee. Amina.

Lanabaga be se ka toro lanaya koson

¹² Ne balema kanuninw, toroba min be aw kan sisan i ko tasumaba, janko ka aw koroba, o

* **4:8** 4.8 Kanuya be jurumun datugu: Aw ye nin yoro fle: Zanaw 10.12; Yakuba 5.20.

man kan ka bara aw ra, k'a ke i n'a fo ko benbari do le be sera aw ma. ¹³ Aw yere ka kan ka jagari le, ko aw fana ninyoro be Kirisita* ta toorow ra, janko ni Kirisita ta nooro nana yira lon min na, o lon na aw fana ye jagari, ka aw ninsondiya. ¹⁴ Ni o be aw neni Kirisita togo koson, aw ta jana, sabu Ala Nin* nooroman be aw kan.

¹⁵ Nka aw si man kan ka tooro, ko sabu aw ye mogofagabaga ye, walama son, walama kojugukebaga, walama ko aw be aw sen don mogo werew ta kow ra. ¹⁶ Nka ni mogo do be tooora a ta lanaya koson, o tigi kana maroya o ra; a ye Ala tando, sabu Kirisita togo lara ale ra. ¹⁷ Sabu kiti damina wagati sera, a fana be damina Ala yere ta mogow le ra. Ayiwa, ni a be damina anw yere le ra, o tuma minw ma son Ala ta Kibaro Diman* ma, olugu ta labancogo bena ke mun ye sa? ¹⁸ A sebera Kitabu konso, ko: «Ni mogo terennin yere kisiko bena gbeleya, o tuma mogojugu ni jurumunkebaga, olugu ta bena ke di?»

¹⁹ Ayiwa, o koson mogo minw be tooora Ala sago koson, olugu ye o nin karifa danbaga Ala kankelentigi ma, ka to ka kojuman ke.

5

Cekoroƙaƙa ta baara (Timote folo 3.1-7)

¹ Ayiwa, cekoroƙaƙa minw ye aw ta namogow ye, ne kan be olugu le ma sisan, sabu ne fana ye cekoroƙaƙa ye i n'a fo olugu; ne ye Kirisita* ta

tɔɔrɔw seere ye, ne fana nin bena ke a ta nɔɔrɔ ra, o nɔɔrɔ nin bena yira lon dɔ. ² Ayiwa, Ala ka sagakuru min karifa aw ma, aw ye o kɔrɔsi, ka aw janto o ra; aw kana o ke i ko jagboyabaara ra, nka aw y'a ke ni n̄aninyanuman ye ka kapa ni Ala sago ye; aw kana o ke warininisira ye, nka aw y'a ke ni jusupuman le ye. ³ Minw karifara aw ma, aw kana aw fanga digi olugu kan, nka aw yere ye ke o nayirabagaw ye. ⁴ Ni o kera, ni sagagbenbagaw Kuntigiba nana a yere yira lon min na, masafugula nɔɔrɔman min te cen, aw bena o le sɔrɔ aw ta baraji ye.

⁵ Ayiwa, kanbelenw, o cogo kelen na, aw fana ye aw yere majigi cekɔrɔbaw ye. Aw bɛɛ ye aw yere majigi n̄ɔɔn ye ka n̄ɔɔn demɛ, sabu a sebera Kitabu kɔnɔ ko:

«Ala bɛ wasobagaw kere;

nka a bɛ nɛɛma mɔɔɔ sabarininw ye.»

⁶ O kɔsɔn aw ye aw yere majigi Ala boro barakaman kɔrɔ, janko a ye aw kɔrɔta a wagatɔnuman na. ⁷ Aw ye aw ta haminakow doniw bɛɛ jigi ka o la ale kan, sabu a bɛ a jantora aw ra.

⁸ Aw ye aw yere minacogo lon, ka aw janto aw yere ra; sabu aw jugu Setana bɛ yaalayaala i ko jara kɔngɔtɔ bɛ kasi cogo min na, k'a ta domuta jini. ⁹ Aw sinsinnin ye to lanaya ra ka lo, ka a kere, k'a lon ko aw balema lanabaga minw bɛ dunupa kɔnɔ, ko o tɔɔrɔw n̄ɔɔnw le bɛ olugu fana kan.

¹⁰ Ayiwa, nɛɛma bɛɛ tigi Ala min ka aw wele janko aw ye aw ninyɔrɔ sɔrɔ a ta nɔɔrɔ banbari

ra, Kirisita ta jɛnɲogonya ra, ni aw tɔɔrɔra wagati dɔɔnin, ale yere bɛna aw bosɪ, ka aw ja gbɛleya, ka aw baraka bonya, k'a to foyi kana se ka aw bɔ a nɔ ra. ¹¹Sebagaya ye ale ta le ye wagati bɛɛ, ani tuma bɛɛ. Amina.

Fori laban
(*Tesalonikikaw folo 5.23-28*)

¹²Ayiwa, Silasi* min ye an balemace kanke-lentigi ye, ale le ka ne dɛmɛ ka nin kuma fitini sɛbɛ k'a ci aw ma, janko ka aw ja gbɛleya, ani janko aw ye la a ra ko aw nɔrɔra nɛɛma min na, o ye Ala ta nɛɛma yere le ye can ra.

¹³Lanabagaw ta jɛnkuru min bɛ Babilɔni, Ala ka minw janawoloma i ko a ka aw janawoloma cogo min na, olugu bɛ aw fo; ne dence Marika fana bɛ aw fo. ¹⁴Aw ye ɲogɔn fo balemaya ra ni kanuyafori ye.

Aw minw bɛɛ bɛ Kirisita* ta jɛnɲogonya ra, Ala ye hera kɛ aw bɛɛ ye!

* **5:12** 5.12 Silasi bɛ wele fana ko Siliven.

Biblu Ala ta Kuma
Jula: Biblu Ala ta Kuma Bible

copyright © 2013 Wycliffe Bible Translators, Inc.

Language: Julakan

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

0c9588de-99ac-53f9-aa9b-6885106dcde8